

# ইদানীং যুবরাজ!

(a fantasy of political origin)

-অংশদ্বক

[jajabor1971@yahoo.com](mailto:jajabor1971@yahoo.com)

সকাল থেকে যুবরাজের মনটা ভারী খারাপ। কারণে-  
অকারণে কুৎসা না রটালে যেন বাঙ্গালীর মনে শান্তি থাকে না।  
‘চান্দুয়া-দান্দুয়া’ ভবন দেশের অব কিছু নিয়ন্ত্রণ করছে; দেশে  
গণতন্ত্রের নামে পারিবারিক রাজতন্ত্র চলছে, আর ও কত কী!

গুজবের যেন শেষ নেই। এই যেমন যুবরাজ নামটির কথাই  
ধরা যাক। মামা সিকান্দার গির্জা আদর করে আসল নাম বারেক  
রহমান না ডেকে ‘যুব রাজ’ বলে ডাকতেন সেই ছোট কাল  
থেকেই। একদিন কোন এক সাংবাদিক (ভারতের দালাল ও  
হতে পারে!) তা শুনে রটিয়ে দিল, বারেক রহমান  
বাংলাদেশের অঘোষিত যুবরাজ! জাতীয় নীতিবাদি দলের  
জোশ ওয়ালা কোন এক মাকালফল (আসল ষড়যন্ত্র বুঝতে পারে  
নাই) আবার রাজধানীর দেয়ালে ‘যুব রাজ বারেক রহমান  
জিন্দাবাদ’ লিখে দেয়াতে সমস্যা আরেকটু বেড়ে গিয়েছিল।  
দুর্মুখেরা রটিয়ে দিল, বাংলাদেশে রাজতন্ত্র চলছে! আরে

হাঁদারামের দল, বাংলাদেশ তো আর সৌদী আরব , কুয়েত, কাতার বা মরক্কো নয়। আর তিনি ও তেমন যুবরাজ নন যেমন সৌদী যুবরাজ শেখ আবদুল আজিজ। আর রাজতন্ত্র মানেই কি সব সময় খারাপ? ব্রিটিশরা তো তাদের রাজা-রানী-রাজকুমার নিয়ে বেজায় গৌরব বোধ করে। আর শালার বাঙালীরা? রতন পেয়ে ও চিনতে পারে না। আহা! অশিক্ষিত বাঙালীর (থুকা, বাংলাদেশী) মগজ থাকলে বুঝতো, তারা কোন অংশে ব্রিটিশের চাইতে কম নয়। ব্রিটিশের আছে প্রিন্স চার্লস, তাদের কি তা নেই? মনে মনে হাসেন, যুব রাজ বারেক রহমান। ব্রিটেনের ছিল রানীমাতা, আমাদের 'ছিন্ন' নয়, এখন ও আছেন 'দেশমাতা' মহারাণী বেগম আকলেদা, যুবরাজ বারেক রহমানের আন্মাজান। অবশ্য আফসোস করে লাভ নেই। কথায় আছে [what British thinks today Bangladesh thinks it tomorrow.](#)

অবশ্য ইদানীং একটি প্রাইভেট টিভি চ্যানেলে লক্ষ টাকায় নির্মিত 'দানবজমিন' পত্রিকার ভাড়া করা এক সাংবাদিকের নেয়া বিখ্যাত সাক্ষাতকারটি প্রচারের পর থেকে যুবরাজ সম্পর্কে সাধারণ মানুষের মহব্বত বহুগুণে বেড়ে

গেছে। সিকান্দার মামা পিঠ চাপড়ে বাহবা দিয়ে বলেছেন,  
'বাপকা বেটা, আর সিপাহীকা ঘোড়া'। নীতিবাদী ছাত্র দলের  
ছেলে মেয়েদের তো খালি একটাই প্রশ্নঃ **আপনি মিডয়ার মামনে**

**এত স্বতস্ফূর্ত হতে পারেন কি করে?** কালু (যুব রাজের কাউলা

আফ্কেল) এক প্রস্থ এগিয়ে গিয়ে বলেছেন, শহীদ মিয়ার  
আজীবনের আফসোস ছিল,

**এই দেশে তেমন ছেলে জন্ম নিবে কবে?**

**রাজপুত্র না হলে ও প্রিন্স লোকে তারে ডাকবে।**

কালুর কথায়, রহমানুর রহীম আমাগো বারেকের মাধ্যমে

শহীদ মিয়ার সেই আশা আজ পূরণ করলেন ঠিকই, কিন্তু শহীদ

মিয়া সেইখ্যা যেতে পারলেন না (কালু আফ্কেল অতঃপর কেঁদে

ফেললেন)। কালু লোকটা মহারাণীর (যুব রাজের আন্মাজান)

অত্যন্ত প্রিয়ভাজন। অবশ্য কারণ ও রয়েছে। শহীদ মিয়ার

ইন্তেকালের পর থেকে এই একটি লোক যে মহারাণী বেগম

আকলেদা কে সবচেয়ে বেশী ভালবেসেছে। কে বলে এ যুগে

ভালবাসা মৃত ? তবে, মাঝে মাঝে যুবরাজের মনে হয়,

কালু আফ্কেল একটু রকমের অতি অভিনয় করে ফেলেন।

এই যেমন, একবার পায়ের ব্যথার চিকিৎসার জন্য, মহারাণীর সৌদী আরব যাবার প্রাক্কালে, কালু আফ্কেল প্রস্তাব করে বসলেন, মহারাণীর সার্জালী চলাকালীন সময়ে রেডিও টিভিতে যেন সাঈদীকে দিয়ে কম পক্ষে ১০ ঘন্টা এক নাগাড়ে দোয়া দুরুদ পড়ানো হয়। মাছির উদ্দিন রিন্টু আর কামানুল্লাহ কামান তার কথায় সাপোর্ট ও করে বসলো। আর ইসলামী হিন্দু মন্ত্রী অবিনশ্বর রায় সুযোগ পেলে হাত ছাড়া করতে চান না। তিনি ঘোষণা দিলেন, দেশ মাতার আরোগ্য কামনায় তিনি ভারতে না গেলে ও নেপালের ১৩০০ বছরের পুরোনো শিব মন্দিরে গিয়ে পূজো দিবেন। আজবই বটে! ওইদিন সন্ধ্যার ইন্ডিয়ান এয়ার লাইনসের ফ্লাইটে তিনি কাঠমুন্ডু চলে গেলেন। তবে একটি লোক যাঁকে যুব রাজ সত্যি সত্যি শ্রদ্ধা করেন, তিনি হচ্ছেন চাঁটগার ফাঁকা চৌধুরী। ওই দিন তিনি কথায় কথায় বললেন, ‘**বুঝালা নি ভাইস্তা, আঁই তুয়ারে কিলা এত ভালবাসি? কারণটা অইলো এই, তুঁয়ার মধ্যে দীন ইসলাম, পাকিস্তানের লাইগ্যা মহব্বত, জাতীয়তাবাদ, আধুনিকতা এর সব গুলো উপস্থিত। একের মধ্যে হাজার যারে কয়! হেঃ হেঃ**’

তথাপি, ইদানীং একটা ব্যাপার যুবরাজ কে বেশ ভোগাচ্ছে। হারামী সদরুদ্দুজা (এক সময়ের সদু আফ্কেল) আর তার পোলা শাহী জাতীয় নীতিবাদী দলের প্যারালাল আরেকটা দল গড়তে চাচ্ছে। অকৃতজ্ঞ কি আর গাছে ধরে? তবে... কালু, রিন্টু, কামানুল্লাহ কামান যে ভাবে বাপ-পোলাকে সাইজ করার কথা বলছে, সেটি মানুষজন না শোনলেই ভাল। তবে একটা ব্যাপার স্বীকার করতেই হয়। সদরুদ্দুজার পোলা শাহী মালটা বেশ স্মার্ট। শালার পিছনে কারা কারা থাকতে পারে? শেষ পর্যন্ত জাতীয় নীতিবাদী দলের ও বহু হোমড়া চোমড়া কি ওদের সাথে যেতে পারে? মহাসচিব কানটান ভুঁইয়া চাচা অবশ্য অস্বীকার করেন। কানটান চাচারে নিয়ে আবার আরেক সমস্যা। 'মহাসচিব' বলে সম্বোধন করলেই তাঁর একটাই কথা, *'ডাইম্বা, খোদার দোহাই , তুমি অল্পত আমারে মহাসচিব ডেকে না। বরং, উজীর চাচা ডাকবা'।*

My dear Prince..what are you pondering about? হঠাৎ সিকান্দার গির্জা মামা যুবরাজের খাস

কামরায় ঢুকলেন। 'খবর কি?', যুবরাজ সুধালেন। 'খবর আর কি? প্রত্যেক মিনিটে দশটা করে কল আসতেছে। সবাই বলছে, 'বারেক রহমান নিজে বলেছেন, জাতীয় নীতিবাদী দল, বা চাওয়া-পাওয়া ভবনের নামে কেউ চাঁদা চাইলে যেন তাঁকে ফোনে জানানো হয়। আমাদের কাছে বারেক রহমানের নাম বলে ছেলেরা লক্ষ লক্ষ টাকা চাঁদা চাচ্ছে। তিনি কি সত্যি এসব জানেন না?', সিকান্দার গির্জা উত্তরে বললেন। 'এখন থেকে *complains section* এ ফোন গুলোতে হিউম্যান অপারেটর বাদ দিয়ে কম্পুটারের সাহায্যে অটোমেটিক করে দাও। ইউরোপ-আমেরিকাতে যেমন হয়', মামাকে সাজেশন দিলেন যুব রাজ। 'Smart chap' সিকান্দার কাল চশমা (মৃত দুলাভা ই শহীদ মিয়া এটি চোখে পরা শিখিয়েছেন) জোড়া আবারো চোখে লাগিয়ে চাওয়া-পাওয়া ভবনের খাস কামরা থেকে বেরিয়ে গেলেন।

এক মাস পর।

বিস মিললাহির রাহমানির রাহিম। চাওয়া-পাওয়া ভবনের অভিযোগ গ্রহন দফতর থেকে আপনাদের স্বাগত জানাচ্ছি। জাতীয় নীতিবাদি দলের নাম্বার ওয়ান যুগ্ম মহাসচিব বারেক

রাহমানের নামে কেউ চাঁদা চাইলে বা সম্ভ্রাসী আচরন করলে ভয় পাওয়ার কিছুই নেই। প্রাথমিক অবস্থায় পুলিশ ডাকতে না চাইলে ও আপনি চাওয়া-পাওয়া ভবনের অভিযোগ দপ্তরে চাঁদাবাজ সম্পর্কে বিস্তারিত তথ্য রেকর্ড করে রাখতে পারেন। যেহেতু চাঁদাবাজকে ব্যক্তিগত পরিচয় সংক্রান্ত প্রশ্ন করাটা বিপদজনক, সে ক্ষেত্রে চাঁদাবাজের কাছ থেকে নিম্ন লিখিত সহজ প্রশ্ন গুলির যথাযথ উত্তর জেনে নিন।

**একঃ** চাঁদাবাজ হিন্দু, না মুসলমান?

**দুইঃ** ভারত ও পাকিস্তানের মধ্যে কোন দেশ কে চাঁদাবাজ বেশী পছন্দ করে, এবং কেন?

**তিনঃ** বারেক রহমানের সাথে চাঁদাবাজের কোন পর্যায়ের সম্পর্ক রয়েছে? লেভেল ওয়ান, টু, নাকি, থ্রি? সাব লেভেল নাম্বার কত?

**চারঃ** মকদম টেরিস্ট ই রাজনীতি র মাথে জড়িত, কিন্তু মকদম রাজনীতিক ই টেরিস্ট ই নয়, চাঁদাবাজকে এ কথার মানে জিজ্ঞেস করুন।

**পাঁচঃ** 'বন্দুকের নদ নয়, ইমদামী রাজশুল্ক গাশুল্ক ই মুমদমানদের মকদম ক্ষমতার উৎস', কে, কবে, কোথায় এবং কোন প্রসঙ্গে

বলেছেন, তা চাঁদাবাজের কাছ থেকে কৌশলে জেনে নিন।

এই প্রশ্ন গুলির উত্তর ইতিমধ্যে আপনার জানা হয়ে গেলে টেলিফোনের ৭ নাম্বার বোতাম টিপুন। এবার আপনার উত্তর রেকর্ড করুন। রেকর্ড শেষ হলে ৮ নাম্বার বোতাম টিপে আপনার নাম, পরিচয় ও যোগাযোগের ঠিকানা জানিয়ে রাখুন। আমাদের কম্পিউটার আপনার উত্তর গুলি বিশ্লেষণ পূর্বক সিদ্ধান্ত নিবে, চাঁদাবাজটি বারেক রহমানের পরিচিত কেউ কি-না। যদি পরিচিত কেউ হয়ে থাকে, তা’হলে চাওয়া-পাওয়া ভবনে আপনি চাইলেই আপনার সম্পূর্ণ ক্ষতিপূরণ দেয়া হবে। আর চাঁদাবাজ বারেক রহমানের পরিচিত কেউ না হলে আপনাকে পুলিশের সাহায্য নিতে হবে। এবার বের হয়ে যেতে চাইলে ৬ নাম্বার বোতাম টিপুন। সবশেষে, আপনাকে জানিয়ে রাখছি, ৭, ৮ এবং ৬ বা একত্রিত ৭৮৬ সংখ্যাটির একটি বিশেষ মানে হচ্ছে আরবী ‘বিসমিল্লাহির রাহমানির রাহিম’। লক্ষ করলে দেখবেন, বিসমিল্লা বলে আমরা শুরু করেছিলাম এবং বিসমিল্লা বলেই শেষ করছি। পাক-বাংলাদেশ জিন্দাবাদ ! শহীদ মিয়া অমর হউক, আকলেদা মিয়া জিন্দাবাদ!



(সমাপ্ত)

পহেলা ফেব্রুয়ারী, ২০০৪ সাল।

USA